

Građanska Inicijativa u BiH

U okviru djelovanja " Ustavnopravne demokratske asocijacije Vijeća Građana BiH

Bihać, 07. Februar 2017. godine

Općim okvirnim sporazumom za mir u Bosni i Hercegovini, parafiranim 21.11.1995. godine u Daytonu (SAD) i potpisanim 14.12.1995. godine u Parizu dogovorena su osnovna načela državno-pravnog i političkog uređenja Bosne i Hercegovine. Sastavni dio ovog Sporazuma, kao njegov Aneks 4, je Ustav Bosne i Hercegovine.

Potpisivanjem Daytonskog sporazuma je zaustavljen oružani rat u BiH, ali je istovremeno Ustavom BiH koji Aneks 4 ovog sporazuma je BiH uređena, kao izuzetno nefunkcionalana država u kojoj vlada korupcija, siromaštvo i beznađe. Takva situacija je ostala sve do danas iako je od potpisivanja Daytonskog sporazuma prošlo mnogo vremena. U tome smislu su nužne ustavne promjene u BiH kojima bi se BiH uredila kao funkcionalna i prosperitetna država po ugledu na napredne države svijeta. S toga mi predstavnici građanske inicijative, građana, organizacija civilnog društva i pokreta okupljenih oko Ustavnopravne demokratske asocijacije Vijeća Građana BiH donosimo:

REZOLUCIJA

o nužnosti Ustavnih promjena u BiH

Ovom rezolucijom Mi, građani BiH, zahtijevamo od međunarodne zajednice u BiH: Upravnog odbora Vijeća za provedbu mira (PIC), OHR-a (Ureda visokog predstavnika), Vladi Sjedinjenih Američkih Država putem ambasade SAD-a u BiH, Vladi Države Ruske Federacije, putem, ambasade Ruske Federacije u BiH, da kroz svoje daljnje angažovanje kroz okvirni sporazum za mir u BiH (u dalnjem tekstu: Dejtonski mirovni sporazum) kao protektorati BiH u potpunosti izmjene Aneks IV odnosno Ustav Bosne i Hercegovine!

U današnjoj BiH su još uvijek na političkoj sceni snage koje su izazvale rat u BiH i kojima nikad nije zabranjeno djelovanje, a koje svojom nacionalističkom, destruktivnom i agresivnom ratnohuškačkom retorikom konstantno prizivaju međuetničke sukobe i rat. Mi, građani BiH, bez obzira na socijalno, konfesionalno, religijsko ili etničko porijeklo sa svojom temeljnom autohtonom, historijskom, kulturološkom tradicijom, absolutno smo " jedno tijelo " i kao takvi tražimo da živimo slobodno, ravnopravno, bez straha i dostojanstveno, a na osnovu međunarodnog prava, na svakom milimetru bh. zemlje.

Oslobodite nas fašističkog državnog ustroja, Aneksa IV, koji se vodi kao Ustav ove države a koji koristi samo klerofašističkoj vladajućoj mafiji u BiH. Oni nas u zadnjih 20 godina dijele u šovinistička geta stavljuju, konstantno obmanjuju, razaraju nam tkivo bosanskog identiteta, i sistematski organizovano, kroz stvorene entitete i njihove institucije, (zasnovane na idejama klerofašizama, šovinizma i neonacizma) organizirano pljačkaju, raseljavaju i uništavaju. U BiH vlada mrak, prisutnaje enormno visoka razina korupcije, a siromaštvo je izazvalo neviđen egzodus ne samo mladih ljudi, iz BiH.

BiH, ovakva kakva je, objektivno predstavlja opasnost ne samo za regiju već i za Europu i svijet. Politika, koju je u periodu od potpisivanja Daytonskog sporazuma u BiH provodila međunarodna zajednica ide ka tome da zaraćene strane u BiH same premoste probleme zajedničke države, a to je i golin okom vidno, nemoguće. Obzirom, da je BiH do 1995. godine izgledala poput slupanog automobila, učesnika saobraćajnog udesa, u kojem su ostali zaglavljeni, povrijeđeni i psihoistraumatizirani ljudi. Tako povrijeđeni ljudi ne mogu pomoći sami sebi, oni trebaju pomoći drugih.

Mi, građani BiH, ne želimo da, sa bilo kim od povrijeđenih i psihički istraumatiziranih ljudi u BiH, pregovarate oko Ustavnog uređenja države, ili tražite odobrenje, da formirate bilo kakva tijela, ili tražite njihov stav i mišljenje. Mi, građani BiH, tražimo od VAS, Međunarodne zajednice u BiH, samo jedno, da sprovedete nužne, ustavne promjene u BiH, po kojim bi se BiH uredila kao funkcionalna, sekularna država, po ugledu na razvijene države svijeta.

Ni Njemačka nije, 1945. godine bila prepustena sama sebi, već je međunarodna zajednica organizovala proces denacifikacije i demokratizacije društva, a istovremeno je kroz Marshalov plan, mnogo investirala u privredu Njemačke. Usljed toga, Njemačka se vrlo brzo oporavila i postala jedna od najnaprednijih zemalja svijeta.

U ovom trenutku je neophodno da Europska Unija, Sjedinjene Američke Države, Ruska Federacija i druge zemlje pomognu BiH u rješavanju nagomilanih problema.

Međunarodna zajednica ima vlastiti interes da uredi BiH, kako BiH ne bi bila izvor problema, prvenstveno, kako ne bi bila leglo međunarodnog terorizma i kriminala. Osim navedenog, imate i MORALNU obavezu prema BiH, jer se upravo na teritoriji BiH desio brutalni, krvoločni rat, kojeg su Europske zemlje dozvolile! Progon stanovništva, ubilački logori, masovni zločini i stratišta, genocid, urbici, rezultati su rata u BiH, kojeg je međunarodna zajednica, gledajući s ove vremenske distance i znajući informacije koje onda nismo znali, tvrdimo i izazvala!!!

Nama, građanima BiH, dosta je prevara, podjela, pljački i lažnih obećanja. Dovoljno smo plaćali "danak u krvi" svojim životima u vlastitom domu i vlastitoj zemlji. Bosna nije ničiji TAL ni MIRAZ, ona nije ni bošnjačka, ni srpska, ni hrvatska; ni muslimanska ni pravoslavna, ni katolička a ni tuđa!! Bosna je oduvijek bila građanska, svih njenih građana bez obzira na njihovu vjeroispovjest.

Želimo da odmah pokrenete proces uspostave funkcionalnog ustavnopravnog uređenja naše države, koja će biti sekularna, po uzoru na progresivne i razvijene zemlje. U protivnom ćete biti odgovorni za slijed događaja koji mogu nekontrolisano eskalirati!

Rezolucija je politički akt svih građana u BiH koju prezentiraju i predstavljaju "Utjecajne grupe građana". Svaki građanin BiH je dužan da promovira i brani građansku rezoluciju u kojoj se traži poštivanje temeljnih ljudskih prava, zasnovanih po međunarodnim konvencijama.

Svaki građanin je dužan da se na poziv "Utjecajne grupe" Vijeća Građana BiH, u svrhu djelovanja "Ustavnopravne demokratske asocijacije" odazove u svrhu djelovanja naših aktivnosti.